

代山梅堂文集

初版  
白一至二

特別  
44  
1919  
782



市島肅文敬季著

# 岱海堂文集

初編

平安書肆

瑤芳堂發兌

特  
1919  
160  
782

## 岱海集序

傳曰文以載道其德郁之虜盛也哉。蓋夫郁之虜載道者六經是也。其文經緯天地。其它傳記子史皆以文為道。與此乃人之文也。文之為德也。郁之虜盛也哉。



夫三光垂象者天之文也。百物  
藉形者地之文也。人能頤兩甄  
參。謂之三才一文。不亦然乎。迺  
今海內文明之化。如日之昇。光  
被四表。於是北越寒鄉。亦有  
若英。後市島。敬季。能泛事於

茲文。惟精惟一。允執其中。其文  
吐甘泉之鳳。其詩生青蓮之  
華。五才特達。情文兼長。其手不  
輟毫。其宏辭。麗句。積成數編。  
其姪大美。輯校成初編。將以鐫  
之。呈之於宗。以悅其盛事。遂

臚余蘊以為之序。昔寬政己未七月初浣。

東郭大武元良撰



岱海堂文集初編目錄

卷之一

風雅二首

擬四愁詩一首

五言古詩十六首

七言古詩十八首

卷之二

五言律詩五十三首

五言排律十五首

卷之三

七言律詩九十五首

七言排律二首

卷之四

五言絕句六十三首

七言絕句五十七首

三五七言一首

卷之五

國朝三都賦

卷之六

祭文一首

誄一首

頌三首

銘一首

說一首

引一首

序八首

卷之七

記八首

卷之八

紀事四首

卷之九

傳五首

卷之十

書牘二十一首

岱海堂文集初編目錄

岱海堂文集初編卷之一

越后

市島肅文敬季著

姪 處德大美輯校

風雅二首

南山產業

有序

不肖肅文生十有八年而家嚴逝矣三十年而  
家慈逝矣事家嚴之日淺且癡弗能唯而奉教  
焉事家慈雖年稍長不幸疾疢罔寧歲是故無  
聊弗能慰慈顏然仲氏武啟膏肓不治矣家慈

不禁悽愴，亡幾尋逝也。悲慘豈可謂哉！伯氏淚數行下，曰：武啟無胤子，爾肅文宜尸其祀而已矣。嗚呼！僕獨何人，雖富於春秋，雖榮於華鄂，末小弟而莫日于孝養，盡其力，况癡以勞家嚴，疾以苦家慈，役仲氏亦未嘗有致悌于仲氏也。何以攄意焉？爰後園椿萱終焉之亭前，廬仲氏修產業而肅文受命之處，顛沛是懼，謹作為風雅二首，以感憤悲泣，胡為庶于盡其懷。

南山有亭先考在此樂只琴書肥遯隱此

南山有亭先人在此樂只圍棋眉壽舒此  
亭有樓在遊仙題之樂只父母伯仲安之  
亭有樓在遊仙顏之樂只父母彩衣舞之

南山有亭四章章四句

維此生產業仲氏不寧居日月何懈恐後嗣踈  
維此產業仲氏勞焉豈不夙夜于市于鄽謂行無悔  
箕裘幸全

產業二章章四句一章章六句

擬四愁詩

有序

昔者張衡爲四愁思以道術相報貽於時君是爲天下漸弊鬱鬱不得志發焉故議擬楚騷以盼是非讀者未嘗不撫膺感歎余私竊憐焉若乃昇平離久而宥坐盈虛儉侈暴浩亦有職之愁也夫余擬之者苟風未萌猶螳垤之補大陵耳雖盡其衆何力之有雖縱橫其說有誰聽猶禪子之云爲於市耳其辭曰

一思曰我所思兮在五雲欲往從之煙雨紛拄杖東望空霑裙美人贈我金屈卮何以報之珊瑚枝路杳

珊

無致倚衰遲何爲懷憂足逶迤

二思曰我所思兮在昆明欲往從之石鯨橫擁棹南望汗濕纓美人贈我紅芙蓉何以報之比目魚波高無致倚鬱如何爲懷憂獨躊躇

三思曰我所思兮在高岑欲往從之夕陽沈躡屐西望且悲吟美人贈我紫貂裘何以報之白玉旒阪險無致倚沾眸何爲懷憂身綢繆

四思曰我所思兮在斗下欲往從之雨雪灑寒帽北望淚盈把美人贈我官錦袍何以報之金錯刀道艱



無致倚露毫，何爲懷憂心煩勞。

五言古

感遇

人生雖貴賤，供養亾幾何。劬勞易哀慟，于今悔轉多。  
林看鳥子集，野遭牛犢過。禽獸尚相慕，日受故與哺。  
奈謂堂堂人，豈可比毛羽。製衣耐寒溫，營宮堪雨露。  
弧幌高其門，駟蓋滿其路。夙夜千載憂，不苟畧刻遊。  
孰識瓜田德，悉成玉斝酌。

子夜吳歌

章臺如玉女，秦箏寄客歌曲裡。悲不耐自，是一風波  
同心不相見，賤命若家何。

江南曲

敲撈吳江上，不是爲清談。遠空錦帆滅，半流玉蛟駭。  
江南佳麗府，沃野并齊魯。駐馬相土風，廈屋列鐘鼓。  
豔娃學二喬，羅綺亦何妖。塵暗擊車轂，花明起歌謠。  
徙倚金陵下，王氣良難消。

腰扇

新製美濃帟，屈伸愜行藏。仁風出掌握，禮容措衣裳。

位澤集初編 卷之一  
炎熱雖代謝，不離君子儻。良宴擊歌節，朝會書遺忘。  
可憐班姬扇，盛寵奪秋涼。

題寧樂破箏

修寧樂，破箏晝夜拂蚊蠅。遺風慕懷袖，依然慰鬱蒸。  
新裁自有惜，舊物豈可憑。含垢似月桂，秋來未失雙。  
為傳世上人，勿慙弄伉儷。

嵯峨

平安行樂地，行樂入嵯峨。窈窕林巒邃，翩翹羽族多。  
月橋低兩岫，嵐山帶曲河。俄爾投掖網，悠悠竹槎過。

不識絛栖主，排門繙薜蘿。一飲行厨盡，容與互吃茶。  
寒蟬斷復響，長嘯且高歌。雖伴都人士，數問路如何。

桶峽

曾驅駿遠衆，欲弊鹿中原。十倍新羈銳，驕躁轉奪魂。  
連城如席卷，殺氣暗然屯。誰知銜枚帥，俄爾突轅門。  
將佐相離絕，風雨迫黃昏。忽失萬全勢，渠魁授其元。  
歎息無備預，狼藉幕中樽。

五日

還至天中節，渡頭相提挈。千年三閭忠，此使人嗚咽。

何爲開芬芳，妃女戲閨房。菖蒲葉正綠，衆花素其香。  
儻採九畹裏，滿宮不可當。

七月有感

早晚秋涼至，單衣或不堪。病軀等閒老，日暮行徒慙。  
深籬草花穰，揉樹菓柯狂。雲影襲旻天，寒蟬嘹唳響。  
造物有所期，感慨且俯仰。少少慕太華，胡爲止莽蒼。  
君子不遇時，千古幾衰遲。一世雖無許，立言豈更疑。

烟管

金族諸毛外，頻年冒管城。堅哉真鑰固，且有狼煙營。

腰間何所備，緩急當短兵。坐右資籌畫，遠圖彷彿生。  
若出漢高世，應遭寵良平。飢人依爾慰，醉客或解醒。  
只恨氛氲紊，鰥寡孤獨情。

咏玉簪

曾廢頽垣下，玉簪不得開。蔓草相凌雜，蛇虺此徘徊。  
莖折狗出竇，葉破蛙避雷。新館旣經營，築庭足廣袤。  
種樹橐駝傳，玉簪遷石右。雨密根全生，日暖花頻秀。  
居處亦時哉，榮辱阻新舊。况是懷璞人，勿歛歛沾袖。  
丁巳臈月浦士粟贈其正，畫竹一軸，卽欣然賦。

位海集初編 卷之一  
墨畫尋常竹遠從，淇澳來士粟愛吾。贈謂此其正才，  
弱冠工詩賦。藻志丹青開，清節柔枝發。空心密葉催，  
子猷雪不出坐卧獨徘徊。

白梅花

微微花若霰，早春先得開。欲折花欲散，百步後園梅。  
請君必往見，不肯奴婢摧。凝香可就賞，芬乎亦佳哉。  
不知隱君子，分明手自栽。

姬人怨服散

鬱鬱離宮草，岑岑上林桂。人世有餘悲，孰不學千載。

粉黛委塵飛，丹石入齋閉。瑤池留穆王，華昏迎黃帝。  
寂寞復道中，何日復奉契。

後出塞

廟堂決天策，幕府分軍兵。虎竹臨關合，朔氣挾北晴。  
揮鞭指水草，褊裨各列營。風驕暗沙漠，怒號激邊聲。  
夜寒懸孤月，陰山曷崢嶸。五更鳴鼓角，甲札含霜平。  
單于知衛霍，勿謾近長城。

為浪華尾藤憲夫壽家翁七袞兼簡東都藍田先生

誰道名都會，俠骨滿狹斜。憲夫遊東武，好事屬揚家。  
况爲椿府壽，乞賀竹天涯。三越僻遠地，北鄙何可誇。  
海深層蜃氣，山險夥丹沙。大麓千年樹，巨浸八月槎。  
槎上動奇志，願致諸浪華。不知似個語，豈繫君齒牙。

七言古

三本櫻 有序

下条北郊有古碑，鐫三本櫻三字，不識何故樹。  
之。耆老曰：吾爲兒童，碑邊有古櫻三株。三二月  
交，發花稍稍結實，地亦高敞，因爲兒戲之場。洎

近世，耘夫厭其蔭，伐之，獲其價以樹碑。又曰：吾  
聽諸父母，古勝國此地草莽無人，於以一貴族  
來而處焉，爲邑之鼻祖。已而有故自殺櫻，其墓  
樹也。然亾子孫在，姓名與俱湮沒，一邑咸不知  
厥何世焉也。源歟，平歟，將郡縣歟，吁，有誰弔者。  
寬政九年，邑民以連年不登，故修墓碑，荒廢而  
辨香燭祭之，歲尋稔矣。靈哉，尚爲民之倚望，當  
皆朴素而墓樹已厥，古可知焉。余異之，而序之。  
賦古體詩一篇。

年歷不識何王時遺迹纔存一片碑道是下奈草昧  
主當年民望有生祠姓名湮沒不得聽風雨蕭蕭  
泥濘三本櫻樹已爲薪可憐古冢削野徑

陽春有感

代序忽忽春復春塊塊寰中奈此身京洛車馬趁春  
謁邨落羈生二毛新故人詠柳歸何處舍前烏雀空  
伴侶神氣駕夢入青雲秉規秉矩稱盛舉盛舉元自  
無吐食心摸山甫任政事四維日日進升平貴戚權  
門漸相訾無那佞奸荼毒催行路崎嶇忽艱哉血淚

膏汗夢始覺草堂自悅對鶯梅

浪華俠場行

生涯遊俠浪華裡意氣傑若何處是百仇報人身尚  
存千金結客如燕市門前裘馬日聯翩春半使酒歌  
畫船豈憶劉郎極人位呼盧令人自言天誰知豐王  
布衣態俠黠大都過我輩世人碌碌守黃金知遊俠  
場人不悔

賀茂競馬行

賀茂宮前五日觀競馬埒成簇冕冠緹衣不辨朱鬣

馬猛氣騰驤，首落盤萬人。喧嘩蕩馬性，磬控傑然操。  
鞭柄緇裝駢立，鐵連錢一驅掣。雷長相競，王公貴權。  
握幕立，任豪俠兒攘臂集。高檜遙植，金鼓擊前騎。忽  
焉向曹入，兩曹把筆決雌雄。羸御下馬拜神宮，何處  
五絲能續命，輸騎慘愴道林叢。衆馬奮怒，意不平路。  
跼砂礫，紅塵生。玉鞭陶陶，良父御金轡。鏘鏘騏驎行，  
此日甲第擢佳士，明朝黜陟誰尤是。縱老驥出冀北，  
羣豈謂日暮道遠矣。

雞卵

探出雞埒不待雛，形容宛轉恰如珠。道是殼裏認天  
地，破卵混沌竟有無。黃白金中物，東西南北盈  
虛殊。一線斜觸分日月，玲瓏潔色生壺窟。執之吳客  
更無爲，千年爭識防風骨。

湖中鯽魚詠

湖產鯽魚大如履，湖上飛鳧非是鳥。是相逢波際，何所  
娛。漁獵旦夕遞相倚，一身微亦鳥得安。萬頃雖濶不  
足恃，繡羽錦鱗羅網羅。霰膏冰肉殮，其美高官大祿  
真美哉。威權竝馳若風雷，君不見秦之相國或被戮。

辱或自裁

豫州行

源典廐亾京未平失世常盤懷孤行購獲相國威福  
坐相國熟視不勝情母子無恙豺狼窟誰知三千第  
一名曾擬昭君漢宮賜芙蓉含露多少淚撫膺愀然  
翠蛾顰美色由來妬婦詈深山大澤產龍蛇就中義  
經有大志初學叡山唯論兵僧正谷裡擊劍戲遂從  
鬼一上其堂鬼一之女慙慙意虎卷竊授陰符書邀  
遊往往試將帥夜夜獨步五條橋何等忿怒俠氣驕

此服辨慶魚得水遙下關東謁賴朝兄弟泣然涕如  
雨風雲一會別恨消諸平弄權天威激義仲討暴暴  
亦僻信人矧是沐猴冠朝廷惴惴跋扈感傳詔千里  
到鎌倉幕府貌貅誰能敵直使二弟總大軍躍躍冕  
兔遇犬喫白旗移兵迫須磨赤幟辟壘憑差峩鐵拐  
暗麓廷尉畧挾帝航海何處過氣運翻落日扇的敗  
走湮沒西海波疾雷所震未掩耳百戰莫不奏凱歌  
功高一世親爲弟何憶讒賊如之何非有管蔡流言  
罪要越不得誓江河同根相煎釜中豆寧忍輦轂動



千戈豹文空惜南山霧鵬翼不伸北溟路彷彿君與  
臣從士晉文傳物色巨得潛龍淵別離悵望孤鳳天  
謾責鶴罔祠前曲舞姬靜唱想夫憐關門偽通羽客  
苦險阻備嘗艱難步東奧堪托七十城院塞無那百  
二固秀衡老死諸子疎一旦啗利相舛互骨肉正屠  
夷狄心仲氏範賴亦聳懼弗得不似杜郵悲霸業彼  
此豈延祚聞道蝦夷祭豫州蓋傳入金領上游英姿  
何往乎不貴口碑今仍思悠悠

竹林七賢歌

千畝琅玕七賢材嗣宗青眼映林開更求步兵氣壯  
哉爛爛雙眼俗物來阿戎名聲亦如雷一從忘年作  
追陪鬱如松柏擁寒梅山濤識量期三台論妻好勝  
買臣才一朝選舉推龍媒叔夜鳳姿自崔嵬醉中往  
往玉山頽青雲梯逼不登臺自稱僕是慕蒿萊劉伶  
鹿車此徘徊一飲一斛卧莓苔欺婦誓神復傾孟秦  
漢費弊樂器摧咸池韶濩莫謾催阮咸心中何曾灰  
謂說音律不全該後獲周尺人散猜子期談玄一世  
魁深遠幽妙解人腮

寄葆光翁

倏忽過五日，不復弔靈均。千年競渡，雖多人豈有如  
賈生。逡巡君稱葆光，予養拙共得不爲。

天子臣

納涼行

第三第四第五橋，紫氛紅塵蓋九條。兩涯青樓映鴨  
水，日夕絃歌下雲霄。吳娃鄭女揭裙步，公子王孫投  
鞭渡。紈扇羅帟逐流螢，瓊簪玉珥墮道路。道路喧喧  
百戲前，將妓攜童相周旋。貓王碩鼠成伉儷，神雞鸚

鵝習談玄。諸狙振袖舞應節，都盧翻竿躡指天。鼓鳴  
楊，墨走處子長短微辭吐。皓齒願作織絃著君顏，願  
爲小的中君矢。君去聯翩何處遊，自是娼家繁華裡  
娼家綺筵枕水灘。沙場夜宴十日歡，醴醢白酒盛玉  
碗。灼灼朱李泛銀盤，天上牛女猶未會。酌酌屢垂結  
縷帶，桐柏曉風轉解醒。祇園鐘聲響雲外。

蹴鞠篇

七月七日藤家庭，碧松面面鞠園清。門下子弟皆豪  
族，堂中賓客維公卿。亞相徐步，毬一頡四隅，伴侶逸

發轂回旋斜移高柵裏一頰一頰奇偶生舉頭挺身  
毬隨脚滿庭盡是不耻盟烏帽紗衣遷延避彩袴革  
烏容與迎君不見飛鳥井術百蹋百蹴體愈平此日  
新裁衣金鸞金鸞飛動受風輕堂上堂下皆屬目贊  
歎不絕午鼓鳴由此黃門頃孔融賓伴絡繹觀復同  
難波流風奇且妙緩急弛張身如弓兩兩三三無高  
卑飛揚一鳴何爲雄觀者眩目不見毬須臾若隼下  
臂中堪盤僂游方壺地終日宛轉變無窮妖童閑習  
媚八員高僧追陪凌兩公聞說黃帝習兵勢兵勢由

來偏五戎如今承平彬文質打毬擊毬一驟驄好斯  
蹴鞠不乘危雍容間雅五禽通千秋不老仙家戲奚  
翅一朝矍鑠翁矧是王公諸權貴皆育婦人長深宮  
上天一旦儻不健爭鬪騎龍攀蒼穹善哉平安繁華  
子暴貴立兩卿下風意氣揚揚不相屈薄暮歸去醉  
河東

昔嵐子勉贈吾昆季龍門詩畫以何物故今茲  
戊午觀筆跡不堪感因賦寫情

二十年前子勉畫一幅龍門掛床頭惟昔文盟贈昆

李愬勲題詩盡風流，昆季相傳彼物故。如今想像淚不收，雖相識深相交淺。畫前嗒焉憶昔遊，龍門絕特誰能至。雲霧飛動咫尺浮，驚目奪氣空筆跡。奇哉淡墨含遐緜，水氣凜凜上天落。人生千歲望悠悠，子勉天下多知己。何爲鯉魚於吾求。

白雲謠

白雲無盡世有變，把盃送爾爾勿留。此去可憐東土裏，八駿况已極壯遊。崑崙之歡瑤池宴，贈言不播爾皇州。

三日泛舟

三月三日幸無雨，踏青幾處堪歌舞。煙花風柳映晴川，恰好輕舟縱一櫓。欸乃斜過兩岸間，中流平望五峰山。田野修飾林泉色，一樽酣暘吾等顏。何知周聖曲水宴，爭當晉賢山陰選。藹藹疏圃兒女遊，相顧相追轉婉婉。凸凹長堤童駉羣，喚呼距躍起塵氛。從來鼎行興不少，欲占桃源日已曛。

浪華臺

豐王陳迹殘宏臺，燕金趙璧俱成灰。五雲曾從東方

照大風搖動海內來浪華狹斜今如此販繒屠狗人  
作市誰是豪傑相訊問一片壯心空自起

復仇行

伊藤兩男更短折姊妹外孫爭其家詛祝誰憶疾病  
急無那蕭牆鬪內蛇托孤良長不相傳自是工藤深  
怨嗟近江八幡密稟命伏弩赤澤白日斜祐親避矢  
祐泰斃風雲晦暝起塵沙河津之子逐星霜云兄十  
郎第五郎初從母育曾我氏曾我清負乏衣裳鳩車  
竹馬報讎戲吞聲撫膺幾斷腸兄弟弱冠成美質書

劍相兼臂力強時哉幕府苗富麓扈從十萬跨驕驕  
可憐憔悴雙疲馬偽稱獵騎入獵場夜雨暗襲祐經  
壘卒伍沈睡不爲防獨易寢處備不意有人不言指  
其方直夾枕席共大喚祐經驚寤不得追將欲距躍  
左右當刀鞘未脫遭兩斷醉客狼狽謾狂呼諸營蒼  
黃萬炬亂兄斫柴垣逸擊勞弟賣餘勇突公館賴朝  
亦是祖父仇須請一衣比吞炭殺傷過當數百人義  
氣不屈舉嗟歎高名千載死不朽芙蓉日月爲誰讚

寄清子裕

城邊清狂未辭官白筆抄書吏隱難門前軒冕過何  
羨山笠結交尋舊歡沈吟徹且寒燈下避賢避聖只  
加餐不知春秋弄幾歲青眼須髯唇如丹却異宿處  
灑掃客後人誰爲有道看

寄米澤提學神保某借其題平洲先生韻聊賦  
六藝兼呈泮宮諸子所賦叙閣堂館皆在米澤

城中

治國風猷不厭賓四方儒雅此安身鳳鸞堪集來章  
閣經藝文才自有神簪古堂中閱五禮青衿縫掖日

相親絃歌賜宴松櫻館頌恩贊德皆染翰上客獻酬  
有樂章明君坐作無竒玩聞令朴俗能尊者承惠頑  
民頻育兒文事胡爲勿武備矍相縱送不俟知觀者  
如堵揚解入年年射御更時時駿足雙雙艱險路金  
轡彫鞍惡用施只得王造磬控妙自若馬上若無爲  
從動移靜臨池業二王筆力亦奚乏頡頏已往隸楷  
多書記簡牘灑乎泖堂堂曆數自天通度量巖然守  
不窮可祝千乘興讓館長教國人仰城中

岱海堂文集初編卷之一

岱海堂文集初編卷之二

越后

市島肅文敬季著

姪 處德大美輯校

五言律

四月十三日

昧爽香烟細，晏朝燈影微。庭花含露發，棲鳥動枝飛。  
慈惠無笞杖，賢明有斷機。北堂猶可侍，時月十年非。

二月廿九日

匹馬清晨路，先塋忌日哀。湖雲垂滄溟，山雨翳崔嵬。

漁側長洲止獵，依幽麓回蕭蕭。松柏下蒲伏獨徘徊。  
元昆金華在信州，其書屢到乃寄懷。

物候頻相謝，素秋催晚涼。更懷當日別，使厭往時長。  
信鯉書遙切，越鴻聲未央。愁知羈旅詠，月夜動他鄉。

九月望夜，兄弟三人遊白雪樓，觀軸畫，且主人  
仲氏賜不肖珍書一帙，因謝之。

樓上鴻歸暮，松間月出初。光明披畫軸，閑寂賜奇書。  
砌列杉樽酒，階傳鱉膳魚。同遊知復幾，友愛歎離居。

尋山寺

更爲尋山寺，微霜謝屐穿。碧蘿攀古木，白日泛寒煙。  
潭迫龍宮下，雲歸雁塔邊。時聞鐘磬響，誰不憶逃禪。

和姪大美秋夜懷家翁在信州之作

荏苒長秋夜，寒燈尚未消。枯蓬風颯颯，落木雨蕭蕭。  
所憶應千里，不堪終一宵。鳴琴雖慰意，獨坐爲誰調。

東郭樓集探題得月夜登樓

可憐今夜興，適得快晴秋。况復臨東郭，相逢上北樓。  
開窗星象近，入坐月暉流。却恠人間有，廣寒宮裡遊。

海曲書情限先韻



難裁羈旅意懷舊鬱多年岳嶼晴觀船柳塘春似烟  
溟鯤寧可化野鶴不堪憐只得攜漁父徘徊落日邊

安孫氏冬扇菴新成置酒乃賦呈主人素月兼

寄息子融

小春新築會冬扇數間亭主似清風月客隨分野星  
圍棋閑且響置酒樂猶停自有阿戎在忘年眼轉青

早過逢阪

來往逢關路曙光瞻望清阪松花點綴湖月鳥縱橫  
結駟游何國故裘侵幾城欲休祠宇下古咏切離情

冬夜獲鹿肉卽置酒坐有鄰醫雷牛書誹語因

賦以酬之

歲寒松栢質夜集一爐前刀割秦廷馬杯傾魏闕賢  
手談棋局改舌戰錦篇傳子謂勝良藥應知年齒全

冬夜諸子見訪

德星依故野賢哲訪新居岱海羞吾拙遊仙恨客踈  
寒花香暗逼曉月爽看舒自喜文章賜明朝照里間

與東閣先生唱和

相逢不相避唱和調逾高盃酒終身拙文章蓋世豪

煙霞憐我疾山水盡君操青玉良爲案忽酬金錯刀

漁邨

江邊一邨落閉戶委風沙日漾波濤晚秋闌蘆荻花  
路傍魚網密牆外賈帆斜不問行吟去靈均勿強嗟

祇園春宴

春遠紅塵外雲煙散法臺柳絲陶客引花雨惠公裁  
方外迎籃輿池中渡酒杯請看西竺暖草樹擁香開  
綠珠怨

巖色寧容易獨持金谷筵花中莫比類曲裡轉嬋娟

鉅室知鍾愛一房何不專誰思妾身少緩急在君前

登襲明閣

在浪華西本願別剎

高閣襲明名登臨四望晴煙霞蒸海島波浪動邊城  
淡路杯何去摩耶錫幾爭雲低鷗不見風聽二三聲

讀伊語

好是王孫麗深宮動陸沈同根含草詠外野感風吟  
親衛唯間雅中郎徒滯淫遙知東路上嶽雪妒朝簪

歲暮寄東郭翁

時月胡爲速三冬荏苒過避寒遊子少逐日市人多

道路傾風，傘江湖帶雪，寰不知東郭，復依舊，獨蹉跎。  
象棋

九九成方，罫金銀堅兩城，或知飛角，態時劣，桂香輕。  
玉壘無龍馬，王宮有步兵，羸輸何處，決棋子，轉縱橫。  
除殘

詰朝奴婢裝，藍縷帶，繩來席卷，傾家什，梁間深棟埃。  
忽投條帚下，尚兼拂塵回，天壤應如此，茅茨亦快哉。  
題澤氏烏有菴

早知湖海趣，不深里中塵，竹樹圍亭，古草花，沮徑新。

冥冥憐逸翮，漾漾愛濳鱗，烏有非無謂，子虛誰復親。

送兄金華疾之信州二首

四月方微暖，輕肥指信州，風光千里，旅山水，幾回休。  
草茂青，擅富花飛紅，錦流行行，宜瘡疾，豈易畫圖求。  
離筵情更切，祖道忽相過，沿海沙場，迥經山城，邑多。  
南方愁瘴癘，北地怯風波，佗日親兼戚，數言今若何。

中秋葆光樓分韻

寵靈何幸，在風雨，遠今宵，天啟烏聲起，夜深犬吠驕。  
籠雲依嶺鬱，殘月映江嬌，擊柝丁東，響樓邊，轉寂寥。

長夜獨寤

無端長夜夢一寤不還眠寒雨晴猶滴陰風去遠傳  
疎鐘高枕裏落木破窻前此際真淒絕鄰雞叫曉天  
吊飯信卿喪室

槩然誰復察獨坐鼓盆歌繁茂違松柏凋枯殉薜蘿  
煙朧雙裝鏡塵鬱一遺梭恍惚佳人夢中情近若何

戊午春正月會昆仲草墅獻觴

今日教人悅草堂鄉里春風烟斑雪嶺雨澤滿江濱  
有酒甘如蜜顧厨聊乏鱗友于應自樂何必假他賓

春日念亡兒

死生雖有命蘇不至今春玩弄空懸涕香花轉愴神  
去年從汝沒一日見誰親爲告諸兒輩喧囂避四隣

送婦藤之京

不堪裝旅服昧爽婦人行踟躕辭鄉里彷徨指上京  
路傍楊柳色關外雁鴻聲頻慰多年意風煙幾處晴

湖寺避暑

一逕三邊渚湖沙清靜哉客添玄燕入僧與白鷗回  
午睡無鳴磬晚游將渡杯毒龍何所屈碧浪帶風來

霜

春晚雪消丘西風葉落秋上林生白草巡道變青薜  
忽歿閨邊跡遙回塞上愁歲時催感去終可下人頭  
但馬交僧儀峯者送僧先歸越前

方外論文去風流惠遠才渡杯播海浪飛錫越山隈  
半偈交情盡離歌遺恨開遙知精舍上雲月待歸來

畫魚

道子圖幽鬼潛魚亦寫真筆端開曲岸墨裏別青蘋  
橋下疑振尾波間少見鱗是雖莊與惠有未審沈淪

楊弓

可憐鄉射外閨裡有楊弓白羽眉眸下朱絃粉黛中  
眠貓驚鼓的飛燕遠簾櫳未至車輪大能過紀氏工

岐岨道中

誰言蜀道難此峽亦何安危棧孤流激懸岳六月寒  
猿猴禽店下牛馬出雲端艱險岐岨驛遙令鹵簿寬

遊宇治

山川添洛秀然莫市朝喧丘壑榮祇樹煙嵐拂茗園  
昔餘廷侶咏今聽野翁言一扇芝花露猶含舊血痕

游新津秋葉山

秋葉新津，上山祠畧遠。州練搖吳會，馬人泛越江。舟  
瓢飲催高興，壺餐助薄遊。林巒下轎去，歸路思悠悠。  
迴文賦春夜宴

桃李散芳春，晚雲風月新。豪英列陸謝，舊故厠雷陳。  
高調歌轂逸，秀篇竒夢神。陶陶亦磊磊，夜宴遠烟塵。

早春聞虜變

春日雪逾消，塵寰猶未闐。劍依多病捨，文歷壯遊驕。  
野樹添垣出，山霞映瀆搖。渺聞飛羽檄，一夜見雲宵。

寄安子融

間閭餘舊曆，雨雪富清塵。柳絮飛佗月，梨花競早春。  
北陰猶自若，南地更惟新。吹不禁鄒律，陽和在幾人。  
上池館燕集，予在齋。故闕帝乃遙，賦寄諸子。

先考歸泉，夕仲兄辭世。朝雖違賢哲，燕不忽簡書。招  
壺洞玄冬，入高流。永夜調如何，此時感鳴鶴。切雲宵  
旅夜看月

鳴鴻和暮砧，蟋蟀逼悲吟。孤月當窻滿，衆星側漢沈。  
風生鳴密竹，雲散落疎林。頻發葦鱸興，長宵動客心。

伏日此君亭會業

清談風雅客共入此君亭碧麗臨池水涼陰拂戶庭  
孰知三伏興自使七賢停况復昇平世人人挾一經

館腰

古壘館腰邊誰存二百年東南連遠嶽野徑限清川  
林杪孤禽叫邨端匹練懸因憶上杉氏騎將幾人傳

拙廬與葆光翁分韻咏十日菊

踣躄東籬下猶憐十日花露霜枯葉縮風雨落英斜  
是爲過佳節無由媚晚霞芳餐養生客留得一陶家

愛壽怨

二世全盛興金吾宴大礮東方千騎美北里一人非  
更失傾城色忽纏精舍衣雖因怨衆妬解脫倡門扉

長門外城別業宴集得新字

外城川北宅卜築遠行塵移樹庭園古開筵障屏新  
晚遊辭世俗秋興會鄉親况使清樽滿陶然賦咏頻

江樓懷鄉

曲曲千餘里江樓望遠哉邊風波浪躍洲渚荻蘆開  
孤雁通雲際雙魚寄水隈多年游子意未得一帆回

拙廬燕集分得譁字

春夜風騷會沈吟嚴不譁佳有依雪沒美酒代茶些  
開戶星辰滿擁爐賢哲斜可憐天壤裡樂地在吾家  
己未春二月卧疾逼祭期

春光遲僻地二月雪霏霏衾隙愁寒切爐邊特暖微  
何知旬日疾忽削十年肥追日迎親戚無妨著祭衣  
恩田某館宴集余以疾故不到因賦謝同盟

勿謂佯為疾纔裁杜責詩何唯羞雪片元自怯風吹  
春夜違芳席乾坤邈酒卮絃歌可相樂良會復誰期

伏日拙廬燕集讀山海經分韻得十灰

皆諳三伏熱岸幘自朝來野饌庖廚拙藏書山海開  
觀竒懷寶鼎促醉勸朱盃不有珍羞在坐談終日回

五言排律

獲孩猶子喜賦

新設一桑弧孩兒期丈夫安唯背上麓自是掌中珠  
靈沼生龜子仙園育鶴雛蟠堂應握印占壤欲探符  
細眼張微口短拳振小軀聲忘三月肉乳賜五年醕  
鼓育離媪腹攀膝控爹鬚匍匐後春暖遨遊想歲徂



云爲非所解視聽亦何迂不作羊家產孰知李氏蘇  
愛情無叱叱戲態有胡盧星野陪長者龍門馴大儒  
鳩車羞後御竹馬競前驅擲石扶甕溺題棋盡局圖  
願防楊墨輩遂入聖人徒

送行脚僧

雖非先聖法中國動相迎東漢鴻臚罷南梁蕭寺榮  
退之論彼穢憲帝失其明儻不妨王道無由攻佛名  
况修雲水業或作錫杯行忽忽過塵界悠悠向化城  
六通何地遠三昧幾天晴智度思摩詰家風慕守清

涉泥鳥淡色笑月有振聲碧眼觀逾老赤髭將自生  
散花壇下滿積雪坐邊平豎指堪窮意舉拳難解情  
俄然超等列卓爾擢同盟講說鷄鶩聽負擔龍象征  
苾芻五又美栢樹一庭英攜履歸西域傳衣迫上京  
禪廚鳩饌足隣閣鵲窠成去住須如此多遭世上輕

贈某道士

玉局神仙觀金庭道士宮福鄉人所羨靈境壽無窮  
羽服翩躚去腦經嘹唳通交梨花盡白火棗實全紅  
霞覆丹峒上氣蒸玄澥中逍遙遊廣莫跋涉步虛空

煮石隨清澗採芝歸舊叢死灰心已化槁木體應同  
綽約仍含露冷然能御風堪思周柱下誰是稱猶龍

送東郭翁自水原遷加治

暮留東郭履朝出于雲廬嶽雪占斑白江流渡自如  
柳陰開社靜竹影掃庭疎離別孤琴絕逢迎一榻虛  
春深難寄雁秋近易通魚花月傳篇妙雲煙任筆舒  
夷吾雖失產鮑叔可安居早晚辭鄉國何門再曳裾

秋雨

風雲秋氣偏霖雨滿江河伯若雖相樂陰陽尚未和

四郊晝黥黥三徑夜滂沱寂寂無人訪哀哀有雁過  
坐深愁罔兩夢結視龜鼃逐日多農事明朝若野何

送吉田某發水原遊佐渡復屬北陸西還攝州

水原三月客往往慕花流心與溟鯤化身漆蓬鶴遊  
萋萋帝王廟歷歷上人丘巖窟居偏怪金山路更幽  
歸帆臨故岸旅服掃邊樓自此知何處鴻書迭攝州

游網島

輕舟爲客出矚望浪華新海口隨潮水島中離市塵  
去留傾美酒乘醉採芳蘋沙細洲逾潔籬疎亭互隣

共觀傾國妓獨接此都人鱸膾鮮搖意尊羹滑動神  
風流非不樂比興豈當親逆旅秋分夜鄉關夢轉真

浪華自東渠至佳吉

故舊憐羈旅前渠泛小舟衣輕中夏末棹指直南  
悠悠離郭郭翩翩沂渚洲揭裳齊屬陸繫纜暫支流  
林簇龍鱗潤島連鰲背浮海魚觀不少田婦興偏周  
神廡無良御馬槽有紫駟官清五音和辭雅九歌收  
祭祀堪觀樂徘徊任去留好教千里客終日此忘憂

瓜

恰好朱陵種離離似玉田銀光朝露滑金彩晚暉鮮  
葉大頻相熟蔓長且互纏巡疇窺蒂落訪墅割香全  
蒼白雖殊質甘肥在有旂何唯期謫戍須是駐神仙  
最喜諸行脚枚枚腹果然

奉題邑管祠

何必拌邊邑靈祠普日東井田頻得熟戶口轉無窮  
華表抽塵界金扁懸市中梅花芬艷艷松蓋鬱葱葱  
徑近三櫻冢林鄰二梵宮連章誰典雅獻畫胥精工  
北野天神下南流河伯通子孫如不惡聖助自相蒙

西近江道中

此地誰行李避喧春始通湖舟閑待客驛店寂存翁  
一日山轎少長途匹練空不堪青草乏轉踏白沙豐  
漸至唐碕浦見孤松鬱葱

河伯橋

二月春光遍獨遊河伯橋澤流空嶽雪田畝漲江潮  
洲暖鷓相逼天青鷺負搖回看可怡悅安步足逍遙  
蹈徑芳猶少沿陂片轉饒扁舟隨短棹古柳榮新條  
中島南聞犬水原東眷樵無由行訪若自贊為誰驕

由京師至大阪舟中作

高瀨晚來舟追隨任急流野深人語盡樹暗狗聲幽  
伏水懸燈喚澗河回撓謳星兼魚眼落月凝客心浮  
興遍堪振筆笑偏將濕裘驚眠嘶驛馬慰寤近邊鷗  
歷覽移平坐雜談多卧遊暮雖辭洛土朝至霸王州

登東本願寺山門

山門高自塔攀上盡楷梯金佛安惟坐鐵羅張宇拏  
萬家如鋪畛里霧似封堤限郭人烟細添欄鳥道霎  
回翔身脫世眺望日傾西俄爾雲光沒暗然星象迷

因緣何處是幻變忽相睽非有歸依意強顏猶自淒

丙辰祀日

光陰如矢速歲月若江流十八三年喪四旬雙紀周  
燒香供潔酌剪燭獻清羞椿府連枝折萱堂窀穸幽  
嚴教從典籍貿易繼箕裘花萼雖悲散根株有所抽  
趨庭思昔日拜像祭春秋邈矣懸南嶺依然向北樓  
豈無童駭悔深入老成憂伯氏天山遂嫡孫墳墓修  
夙齡曾卧病老大故搔頭珣櫃寧誇客鉛刀幾割牛  
前途心業業後世意悠悠死已千秋志生存萬戶求

二班殊取捨兩馬事經遊白雪思王苑青雲限帝州  
時傾河朔席或放剡溪舟百貨歸廉賈千金比素侯  
聖門誰廢著俗物自綢繆雅訓應難化汚名不可留  
忠臣高節義孝子足風猷寶劍慙相屬彩衣何復休  
經轂祀壇響爐氣法筵浮伐木親朋麓采蘋婦女洲  
哺烏看歎息舐犢轉悲愁靈鑿胡為遠人情猶未收  
籠烟含翠黛微雨濕松楸梅柳嬌新築櫻桃開古丘  
駑驢響匏土鴻雁奏篁篔陰使輶泉飲陽關種玉酌  
况知裁錦及必獲覆金甌竟去陶朱智遙遷卓氏籌

文章和帝貴，締綌越絲柔。四郭皆環肆，諸田盡滿篝。  
烏鳧生羽翼，竹馬送驂騑。敦朴縱無異，繁華莫效尤。  
非才當趙璧，有膽賭吳鉤。亂世寒脣齒，昇平乏髑髏。  
知音相遜讓，親戚共優游。今日先人食，孜孜揭臂鞦。

岱海堂文集初編卷之二



